

# PRIJAVLJIVANJE SEKSUALNIH PREKRŠAJA

## POLICIJI

Ako odlučite prijaviti seksualni prekršaj policiji, tretirat će vas se s dužnim respektom, pristojnošću i dignitetom. Od nas možete očekivati sljedeće:

- **Dobrobit, sigurnost i poštovanje** | Vaša dobrobit i sigurnost su naš prioritet. Poslušat ćemo vas bez osuđivanja i prema vama se ponašati sa dužnom pristojnošću, poštovanjem i dignitetom. Poštovat ćemo vaše kulturno porijeklo i vašu osobnu sigurnost i/ili vaše potrebe za pristupom. Odluka o tome da li će se sprovesti službena istraga će se razmotriti s vama i vaša stajališta će biti uvažena i razmotrena.
- **Informacije o pomoćnim uslugama** | Prodiskutirat ćemo s vama vaše neformalne i formalne potrebe za podrškom. Radit ćemo s vama u partnerstvu kako bismo vam osigurali odgovarajuću podršku, povezujući vas sa žrtvama kriminala i agencijama za podršku.
- **Pomoć od osobe koja će vam pružati podršku** | Možete uz sebe imati osobu za podršku po vašem izboru, tokom cijelog razdoblja dok budete s nama u kontaktu. Važno je da osoba koja vam pruža podršku nije ujedno i svjedok u vašem slučaju i da se ne miješa u policijsku istragu.
- **Kontakt s policijom** | Vašu istragu će voditi glavni detektiv koji će ujedno biti i vaša prva tačka kontakta. Informacije o toj osobi naći ćete na 5. stranici ove brošure.
- **Informacije o istrazi** | S vama ćemo porazgovarati o tome kako biste željeli da vas informiramo tokom istrage i obavještavaćemo vas o napretku na način na koji smo se dogovorili. Bit ćemo dostupni da odgovorimo na sva vaša pitanja.
- **Nikada nije kasno za prijavu** | Ne postoji vremensko ograničenje za prijavu seksualnog nasilja. Specijalni detektivi su trenirani da istražuju seksualne prekršaje, bez obzira kada su se oni dogodili.

## O OVOJ BROŠURI

Ova brošura objašnjava šta su seksualni prekršaji, šta možete očekivati ako odlučite da prijavite seksualna krivična djela policiji, šta se događa tokom istrage i na sudu, te opcije podrške koje su vam na raspolaganju.

Neka terminologija koja se koristi u ovoj brošuri možda vam nije poznata i mogu postojati varijacije u izrazima koje koriste različite organizacije i agencije. **Pojmovnik možete pronaći na 5. stranici ove brošure.**

## ŠTA JE SEKSUALNI PREKRŠAJ?

### SEKSUALNI PREKRŠAJ SE DEŠAVA KADA NEKO NE DA PRISTANAK NA SEKSUALNI ČIN ILI DJELA

Seksualni prekršaji mogu se odnositi na širok spektar seksualnog ponašanja zbog kojeg se osoba osjeća nelagodno, uplašeno ili ugroženo i može uključivati silovanje, seksualni napad i seksualno zlostavljanje djece.

Seksualno nasilje često provodi neko kome žrtva i njoj bliske osobe vjeruju. Seksualno nasilje se može dogoditi bilo gdje. To može biti u okviru porodičnog doma, zajednice i institucionalnih okruženja (kao što su škola, crkva, klub, ustanova za njegu starijih osoba ili služba za osobe sa invaliditetom). Seksualno nasilje može biti jednokratni čin, ili pak nešto što se dešava više puta tokom dužeg perioda.

## SADRŽAJ

1	O ovoj brošuri
1	Šta je seksualni prekršaj?
2	Prijavlivanje seksualnih prekršaja policiji
2	Šta ako se seksualni prijestup desio davno?
2	Kako to mogu prijaviti policiji?
2	Informacije o podršci i dobrobiti
2	Šta je uključeno u policijsku istragu?
2	Šta ako ne želim nastaviti?
2	Snimanje vaše izjave
3	Forenzički medicinski pregled
3	Prikupljanje drugih dokaza
3	Intervju sa optuženim
3	Ispitivanje dokaza
3	Odlazak na sud i podrška svjedocima
3	Kontaktirajte policiju
4	S kim još mogu porazgovarati?
5	Rječnik pojmova

## PRIJAVLJIVANJE SEKSUALNIH PREKRŠAJA POLICIJI

### PRIJAVLJIVANJE SEKSUALNIH PREKRŠAJA POLICIJI JE ZNAČAJAN KORAK.

Poslušat ćemo vas bez osuđivanja i prema vama se ponašati sa dužnim dignitetom i poštovanjem. Naši detektivi su specijalisti i trenirani su da razumiju složenu i raznoliku prirodu seksualnih prijestupa.

Ne morate se brinuti da li je to što vam se desilo krivično djelo ili ne. Naš je posao da to utvrdimo. Ako ste zabrinuti zbog nečega što vam se dogodilo, ohrabrujemo vas da razgovarate sa detektivom iz jednog od naših istražnih timova za seksualne prekršaje i zlostavljanje djece (SOCIT) ili Sano Taskforce. **Pojedinosti o kontaktima za SOCIT i Sano Taskforce možete pronaći na stranici 3.**

Ako nam kažete šta vam se dogodilo, to ne znači da će vaš slučaj ići sve do suda. S vama ćemo razgovarati o vašim mogućnostima i vaši će pogledi biti uzeti u obzir.

Razumijemo da vam je možda teško prijaviti šta vam se dogodilo. Postoje agencije za podršku koje vam mogu pružiti pomoć bez obzira na vašu odluku da prekršaj prijavite policiji. **Njihov popis možete naći na strani 4.**

### SVAKI OBLIK SEKSUALNOG NASILJA JE OZBILJAN SVAKO PO ZAKONU IMA PRAVO NA ZAŠTITU.

## ŠTA AKO SE SEKSUALNI PRIJESTUP DESIO DAVNO?

### NIKADA NIJE KASNO PRIJAVITI SEKSUALNO NASILJE.

Odlučiti se prijaviti seksualna krivična djela godinama kasnije, prilično je česta pojava. Shvaćamo da većina ljudi koji dožive seksualno nasilje to odgađa reći bilo kome ili to možda nikada nikome neće reći.

Nije važno da li se zločin dogodio prije nekoliko sati, nedjelja, mjeseci, godina ili decenija. Naši detektivi će to istražiti.

Preporučujemo da seksualno nasilje prijavite bez obzira na to kada se ono dogodilo, pa čak i ako mislite ili ako znate da je optužena osoba umrla.

## KAKO TO MOGU PRIJAVITI POLICIJI?

Detektivi iz naših istražnih timova za seksualne prekršaje i zlostavljanje djece (SOCIT) i Sano Taskforce posebno su obučeni za istraživanje seksualnih prekršaja.

Da biste seksualno nasilje prijavili policiji:

- Nazovite svoj lokalni SOCIT (za informacije pogledajte 3. stranu)
- Otiđite u svoju lokalnu policijsku stanicu (za dodatne informacije idite na: [police.vic.gov.au/location](https://www.police.vic.gov.au/location))
- U hitnim slučajevima nazovite trostruku nulu / Triple Zero (000).

Izveštavanja o seksualnom zlostavljanju dece (bilo historijska ili trenutna) koja su se dogodila u vjerskom ili institucionalnom okruženju mogu se takođe dostaviti timovima Sano Taskforce tako što ćete:

- nazvati **1800 110 007**
- poslati e-mail na adresu [sanotaskforce@police.vic.gov.au](mailto:sanotaskforce@police.vic.gov.au)

Ako niste spremni porazgovarati sa nama, možete kontaktirati Centar za borbu protiv seksualnog nasilja (CASA) i porazgovarati sa savjetnikom. **Za više informacija o CASA-u i ostalim uslugama podrške koje su vam na raspolaganju, pogledajte stranicu 4.**

## INFORMACIJE O PODRŠCI I DOBROBITI

Detektiv ili CASA savjetnik će surađivati s vama kako bi osigurao da imate odgovarajuću podršku.

Pružiti ćemo vam informacije o uslugama podrške koje su vam besplatno na raspolaganju. Te usluge uključuju:

- Kontrolu i kratkotkoročno, srednjeročno i dugoročno savjetovanje i podršku
- Medicinsku pomoć i naknadno liječenje
- Informacije i podršku tokom istrage i sudskog postupka
- Hitni smještaj
- Pomoć kod ulaganja molbi Tribunalu za pomoć žrtvama kriminala (Victims of Crime Assistance Tribunal)
- Informacije i zavjetovanje za porodicu, prijatelje i osobe koje vam pružaju podršku.

**Informacije o uslugama podrške koje su vam dostupne nalaze se na stranici 4.** Te usluge su vam dostupne bez obzira na vašu odluku da li da prijavite slučaj policiji ili ne.

## ŠTA JE UKLJUČENO U POLICIJSKU ISTRAGU?

### ISTRAGU O SEKSUALNIM ZLOČINIMA PROVODE SPECIJALIZIRANI DETEKTIVI

Vašu istragu će voditi detektiv koji će ujedno biti i vaša prva tačka kontakta.

Obavještavat ćemo vas o napretku istrage i bit ćemo vam na raspolaganju za sva vaša pitanja ili ako vam nešto nije jasno. S vama možemo porazgovarati o tome kako biste željeli da vas tokom istrage izvještavamo - pismeno, telefonom, e-mailom ili osobno. Ako ne želite da vas izvještavamo tokom istrage, javite nam ili zatražite da umjesto vama, dostavimo izvještaje o napretku istrage vašoj osobi za podršku.

Postoji nekoliko faza u policijskoj istrazi, uključujući snimanje vaše izjave i prikupljanje i ispitivanje dokaza. **Više informacija o tome šta je uključeno u istragu nalazi se na stranicama 2-3.**

## ŠTA AKO NE ŽELIM NASTAVITI?

Mi ćemo vas ohrabrivati i podržavati tokom cijele istrage. Međutim, razumijemo da možete odlučiti da nastavak policijske istrage nije najbolja opcija za vas.

Odluka da ne nastavite ne sprečava vas da nastavite kasnije. Međutim, odlaganje istrage može rezultirati gubitkom nekih dokaza. Tamo gdje postoji rizik za sigurnost zajednice, možda ćemo trebati nastaviti s istragom.

Bez obzira na vašu odluku, vaša sigurnost i dobrobit bit će nam prioritet i radićemo s vama kako bismo vas povezali sa službama podrške.

## SNIMANJE VAŠE IZJAVE

### VAŽAN ASPEKT ISTRAŽIVANJA JE DA POLICIJA UZME VAŠU IZJAVU.

Obično ćemo vašu izjavu uzeti vrlo rano tokom istrage, u privatnom okruženju. Izjava bilježi sve čega se možete prisjetiti, u što više detalja. Pitaćemo vas o svemu čega se možete sjetiti o onome što se dogodilo, uključujući zvukove, mirise, kako ste se osjećali i šta ste radili. Pokušajte da ništa ne izostavite. Čak i mali detalji za koje možda mislite da nisu važni mogu nam pomoći u istrazi.

Znamo da prisjećanje na seksualno zlostavljanje može biti teško. Nije lako dijeliti informacije lične i fizički intimne prirode. Naši detektivi postupaću s vama s dignitetom i sa poštovanjem. Osposobljeni su da razumiju kako seksualno zlostavljanje utiče na osobu i podržavat će vas u tom postupku. Možete pored sebe imati i osobu za podršku koja će vam pružati emocionalnu podršku.

Uzmite onoliko vremena koliko vam je potrebno da date izjavu. Važno je da se osjećate komforno kada dajete izjavu. Davanje izjave može potrajati nekoliko sati, a ponekad će na razgovor trebati doći nekoliko puta.

Kada završite, dobićete kopiju izjave. Ako se nečega kasnije sjetite ili ste pronašli neku grešku u izjavi, razgovarajte s detektivom koji vodi vaš slučaj.

## FORENZIČKI MEDICINSKI PREGLED

### SEKSUALNO NASILJE NE UKLJUČUJE UVIJEK I FIZIČKE OZLJEDE

Ovisno o okolnostima vašeg izvještaja i vremenskom okviru, od vas će se možda zatražiti da se podvrgnete forenzičkom medicinskom pregledu. Ako je forenzički medicinski pregled u vašem slučaju prikladan, objasni ćemo vam šta će to uključivati i organizirat ćemo vam konzultaciju, uz vaš pristanak.

Da li ćete se podvrgnuti forenzičkom medicinskom pregledu vaša je odluka, međutim imajte na umu da se s vremenom dokazi mogu izgubiti.

Forenzičke medicinske preglede obavlja stručni medicinski stručnjak koji će obratiti pažnju na sve vaše trenutne medicinske potrebe, prikupiti dokaze za upotrebu u istrazi, snimiti fotografije bilo kakvih ozljeda i sa vama porazgovarati ako vas brine bilo šta u vezi seksualno prenosivih bolesti ili trudnoće. Imate pravo da savjetnik iz CASA i / ili osoba za podršku bude uz vas prisutna tokom pregleda.

**Za više informacija o forenzičkim medicinskim pregledima posjetite web stranicu Viktorijskog instituta za sudsku medicinu na [vifm.org](http://vifm.org)**

## PRIKUPLJANJE DRUGIH DOKAZA

Prikupljat ćemo dokaze povezane sa zločinom. Što ćemo prikupiti kao dokazni materijal ovisit će o okolnostima seksualnog prestupa.

Dokazi prikupljeni tokom istrage bit će sigurno pohranjeni i svi predmeti koji su uzeti kao dokaz čuvat će se samo onoliko dugo koliko je potrebno. Po završetku postupka razgovarat ćemo s vama o tome koje predmete želite da vam se vrate.

Uzimat ćemo izjave od osoba koje su možda bile svjedoci seksualnog zlostavljanja ili su u mogućnosti pružiti informacije koje bi mogle pomoći istrazi. Razumijemo da možda nerado želite da detektori razgovaraju sa vašom porodicom ili prijateljima.

Poštujemo vašu privatnost i nećemo otkrivati nikakve nepotrebne informacije prilikom razgovora sa svjedocima. Ako ste zabrinuti zbog nekoga s kim bismo mogli razgovarati, javite nam kako bismo mogli razgovarati o onome što vas brine.

## INTERVJU SA OPTUŽENIM

Ako je optuženi poznat ili je identificiran, možda ćemo ga intervjuirati.

Ovisno o okolnostima, optuženi se može zadržati u pritvoru, pustiti, ili ga pustiti uz kauciju do početka sudskog postupka.

Vaša sigurnost će biti naš prioritet u svakoj fazi istrage. Obavještavat ćemo vas i razgovarati s vama o tome kako se brinuti za vlastitu sigurnost.

## ISPITIVANJE DOKAZA

Na kraju istrage, sve prikupljene dokaze ispitaće osoba koja je posebno stručna za donošenje odluka o pitanjima koja mogu ići na sud. Odluka se donosi nakon pažljivog razmatranja dostupnih dokaza i pravila zakona.

### NE ZAVRŠE SVE ISTRAGE NA SUDU

To ne znači da vam ne vjerujemo. To jednostavno znači da nemamo dovoljno dokaza da bismo ispunili potrebni nivo za krivično gonjenje. Ako se to dogodi, razgovarat ćemo s vama o tome i objasniti razloge toga.

## ODLAZAK NA SUD I PODRŠKA SVJEDOCIMA

Ako se stvar nastavi na sudu, detektiv ili tužitelj će vam objasniti postupak i stalno će vas izvještavati o svemu što se događa. Postoji nekoliko faza sudskog postupka i one se razlikuju ovisno o tome u kojem se sudu vaš slučaj raspravlja.

Na sudu postoje posebni aranžmani namijenjeni minimiziranju traume. Oni uključuju iznošenje dokaza s druge lokacije uz pomoć televizije zatvorenog kruga, korištenjem ekrana u sudnici, kako bi se osiguralo da ne vidite optuženog i kako bi se omogućilo da vaša osoba za podršku bude uz vas dok iznosite dokaze.

**Za više informacija o odlasku na sud, posjetite web stranicu Ministarstva pravde i bezbjednosti zajednice na adresi [victimsofcrime.vic.gov.au](http://victimsofcrime.vic.gov.au)**

Postoje usluge pomoći na sudu koje su na raspolaganju vama i vašoj porodici, poput onih koje nudi Služba za pomoć svjedocima Ureda javnog tužilaštva. (Office of Public Prosecution's Witness Assistance Service). Ako je potrebno, možemo vas uputiti u ove usluge podrške.

**Za više informacija posjetite web stranicu Službe za pomoć svjedocima na adresi [victimsandwitnesses.opp.vic.gov.au](http://victimsandwitnesses.opp.vic.gov.au)**

## KONTAKTIRAJTE POLICIJU

### TIMOV I ZA ISTRAGU SEKSUALNIH ZLOČINA I ZLOSTAVLJANJA DJECE (SOCIT)

Možete prijaviti seksualne prekršaje SOCIT-u. SOCIT timovi se nalaze na području cijele Viktorije.

Lokacije i telefonski brojevi SOCIT timova navedeni su na sljedećoj stranici. Lokacije su podijeljene u regije kako biste lakše pronašli najbližu jedinicu.

#### SANO TASKFORCE

Sano Taskforce ima sjedište u Melbournu, ali djeluje na nivou države. Sano Taskforce-u možete prijaviti seksualno zlostavljanje djece (bilo povijesno ili trenutno) koje se dogodilo u vjerskom ili institucionalnom okruženju.

**U hitnim slučajevima nazovite Triple Zero (000).**

### TIMOV I ZA ISTRAGU SEKSUALNIH ZLOČINA I ZLOSTAVLJANJA DJECE (SOCIT)

#### Sjeverozapadno gradsko područje

**Mernda** (03) 9216 1310

**Fawkner** (03) 9355 6100

**Brimbank** (03) 9313 3460

**Melbourne** (03) 8690 4056

**Westgate** (03) 9216 0566

#### Zapadna Viktorija

**Ballarat** (03) 5336 6055

**Central Victoria (Bendigo)** (03) 5444 6752

**Colac** (03) 5230 0044

**Geelong** (03) 5246 8100

**Horsham** (03) 5382 9241

**Ararat** (03) 5355 1500

**Mildura** (03) 5023 5980

**Swan Hill** (03) 5036 1600

**Warrnambool** (03) 5560 1333

#### Južno gradsko područje

**Dandenong** (03) 8769 2200

**Seaford** (03) 8770 1000

**Bayside** (03) 8530 5100

#### Istočna Viktorija

**Bairnsdale** (03) 5150 2677

**Benalla** (03) 5760 0200

**Box Hill** (03) 8892 3292

**Knox** (03) 9881 7939

**Central Gippsland (Morwell)** (03) 5120 0300

**Sale** (03) 5142 2200

**Seymour** (03) 5735 0208

**Shepparton** (03) 5820 5878

**Wangaratta** (03) 5723 0848

**Wodonga** (02) 6049 2672

#### SANO TASKFORCE

**1800 110 007**

**[sanotaskforce@police.vic.gov.au](mailto:sanotaskforce@police.vic.gov.au)**

## S KIM JOŠ MOGU PORAZGOVARATI?

Postoji niz organizacija neovisnih o Viktorijskoj policiji kojima se možete obratiti za dodatne informacije i podršku. Ove organizacije mogu vas podržati bez obzira na vašu odluku da slučaj prijavite policiji.

### **CENTRI ZA BORBUTIV SEKSUALNOG NASILJA**

**1800 806 292**

[casa.org.au](http://casa.org.au)

Centri za borbu protiv seksualnog nasilja pružaju besplatno savjetovanje i podršku ženama, djeci i muškarcima koji su žrtve seksualnog napada. Za pristup vašem najbližem CASA-u tokom radnog vremena nazovite **1800 806 292**.

### **KRIZNA TELEFONSKA LINIJA NAKON RADNOG VREMENA ZA ŽRTVE SEKSUALNOG NASILJA**

**1800 806 292**

[casa.org.au](http://casa.org.au)

Krizna linija za žrtve seksualnih napada nakon radnog vremena pruža državnu krizno savjetovanje i pomoć podršku svim žrtvama seksualnih napada po cijeloj državi u bilo kojem trenutku njihovog života i zajedno sa CASA-om koordinira krizno zbrinjavanje nedavnim žrtvama / osobama koje su preživjele seksualno nasilje, nakon radnih sati. Radnim danima služba je otvorena između 17.00 sati i 9.00 sati ujutro idućeg dana, te tokom vikenda i državnih praznika.

### **NACIONALNA SAVJETODAVNA SLUŽBA ZA ŽRTVE SEKSUALNOG NASILJA I NASILJA U PORODICI**

**1800 737 732 (1800RESPECT)**

[1800RESPECT.org.au](http://1800RESPECT.org.au)

Nacionalna služba za savjetovanje za žrtve seksualnog zlostavljanja i nasilja u porodici radi 24 sata dnevno, 7 dana u nedjelji na nacionalnom nivou, putem telefonskog i internetskog savjetovanja za žrtve / osobe koje su preživjele seksualno nasilje u prošlosti ili nedavno i / ili porodičnog nasilja u porodici. Služba nudi usluge tumačenja i znakovnog jezika (Auslan).

### **SAFE STEPS**

**1800 015 188**

[safesteps.org.au](http://safesteps.org.au)

SAFE STEPS je služba za žene i djecu koja proživljavaju nasilje i zlostavljanje od partnera ili bivšeg partnera, drugog člana porodice ili nekoga ko im je blizak, koja radi na području cijele države. Služba pruža sveobuhvatan spektar usluga podrške kako bi žene i djeca izbjegli - i nastavili živjeti bez nasilja. Žene koje su izložene porodičnom nasilju mogu nazvati 24 sata dnevno 7 dana u sedmici i povjerljivo razgovarati s drugom ženom i dobiti informacije o uslugama podrške kod porodičnog nasilja, zakonskim pravima i mogućnostima smještaja.

### **inTOUCH MULTIKULTURALNI CENTAR ZA BORBUTIV PORODIČNOG NASILJA**

**03 9413 6500**

[intouch.org.au](http://intouch.org.au)

inTouch je specijalistička služba za pomoć kod porodičnog nasilja koja pruža kulturološki prikladnu podršku ženama doseljenicama i izbjeglicama koje su doživjele ili još uvijek proživljavaju porodično nasilje. Usluge su besplatne i povjerljive, i dostupne ženama koje su napunile 18 godina i koje žive u Viktoriji. Žene koje su iskusile porodično nasilje mogu se obratiti organizaciji inTouch na 1800 755 988 (besplatno) od 9:00 do 17:00, od ponedjeljka do petka.

### **MINISTARSTVO PRAVOSUĐA I SIGURNOSTI U ZAJEDNICI**

**1800 819 817**

**0427 767 891 (Tekst)**

[victimsofcrime.vic.gov.au](http://victimsofcrime.vic.gov.au)

Ministarstvo pravosuđa i sigurnosti u zajednici pruža besplatne informacije i podršku 7 dana u sedmici između 8 i 23 sata. Ono pruža informacije i savjete o prijavi zločina, te informacije o vašim pravima, sudskom procesu i drugim službama i uslugama koje vam mogu pomoći. Također vam može pomoći u podnošenju zahtjeva za kompenzaciju i novčanu pomoć.

### **NACIONALNA ŠEMA NAKNADE**

**1800 737 377**

[nationalredress.gov.au](http://nationalredress.gov.au)

Nacionalna šema naknade pruža podršku osobama koje su kao djeca doživjele institucionalno seksualno zlostavljanje. Šema pomaže ljudima koji su kao djeca doživjeli institucionalno seksualno zlostavljanje da dobiju pristup savjetovanju, direktan lični odgovor od institucije i novčanu naknadu. Nacionalnu šemu naknade možete kontaktirati od ponedjeljka do petka između 8 i 17 sati. Pojednostosti o besplatnim, povjerljivim uslugama podrške tokom zahtjeva za naknadom dostupne su i na [nationalredress.gov.au/support](http://nationalredress.gov.au/support) ili pozivom na gornji broj.

### **URED JAVNOG ZASTUPNIKA**

**1300 309 337**

[publicadvocate.vic.gov.au](http://publicadvocate.vic.gov.au)

Ured Javnog zastupnika promovira i štiti prava i interese osoba s invaliditetom. Njihova savjetodavna služba pruža stručne savjete i informacije osobama s invaliditetom, porodicama, njegovateljima, zdravstvenim djelatnicima i drugim zainteresiranim stranama o pitanjima koja uključuju starateljstvo, administraciju, punomoćja, medicinsku saglasnost, sposobnost i zastupanje. Savjetodavnu službu možete kontaktirati u radno vrijeme. Dežurni službenik je dostupan za pružanje hitnih savjeta izvan radnog vremena.

### **PRAVNA USLUGA ZA ŽENE VIKTORIJE**

**03 8622 0600 (Gradsko područje)**

**1800 133 302 (Regionalno područje)**

[womenslegal.org.au](http://womenslegal.org.au)

Pravna služba za žene Viktorija pomaže ženama u nevolji koje se suočavaju sa pravnim pitanjima zbog raspada veze i nasilja. Služba može pomoći u vezi s pitanjima kao što su zaštita od porodičnog nasilja i odredbe za osobnu sigurnosnu intervenciju, starateljstvo nad djecom i pravo na viđanje, podjela imovine nakon razdvajanja ili razdvajanja i razvoda, kao i ulaganja molbi za žrtve zločina. Financijski savjeti dostupni su i ženama koje imaju problema s dugovanjem, financijskim teškoćama ili koje traže svoja financijska prava nakon raspada veze.

### **ESAFETY POVJERENIK**

[esafety.gov.au/key-issues/image-based-abuse](http://esafety.gov.au/key-issues/image-based-abuse)

eSafety može pomoći u uklanjanju intimnih slika ili videozapisa, a u nekim slučajevima i preduzeti akciju protiv osobe koja je dijelila intimne slike ili videozapise bez pristanka osobe na slikama.

## RJEČNIK POJMOVA

### Optuženi

Izraz koji se koristi u ovoj brošuri za opisivanje osobe za koju se navodi da je počinila krivično djelo. Ta osoba se može navesti i kao osumnjičeni, prestupnik, okrivljeni, okrivljenik ili počinilac, ovisno o kontekstu.

### Detektiv

Visoko obučeni specijalni policajac koji istražuje seksualna krivična djela, zlostavljanje djece i druge krivične aktivnosti.

### Forenzički medicinski pregled

Medicinski pregled radi prvobitnog liječenja, procjene, dokumentiranja i tumačenja ozljeda zadobivenih tokom zločina. Izvodi ga obučeni medicinski stručnjak koji se zove forenzički medicinski službenik ili forenzički bolničar - ispitivač.

### Ured za javno tužilaštvo

Advokatski ured koji vodi krivične slučajeve u ime Direktora javnog tužilaštva. To je zasebna organizacija, nezavisna od Viktorijske policije.

### Sano Taskforce

Specijalna jedinica u Viktorijskoj policiji koja istražuje izvještaje o seksualnom zlostavljanju djece (bilo povijesna ili trenutna) koja su se desila u vjerskom ili institucionalnom okruženju.

### Seksualni prekršaj

Širok spektar nekonzenzualnih seksualnih ponašanja. Ona uključuju silovanje, seksualni napad i seksualno zlostavljanje djece.

### Timovi za istragu seksualnih zločina i zlostavljanja djece (SOCITs)

Specijalni tim detektiva koji istražuju izvještaje o seksualnim zločinima i zlostavljanju djece.

### Izjava

Detaljan opis relevantnih činjenica i događaja o kojima osoba svjedoči. Obično se zapisuje, ali se ponekad može snimiti i na video.

### Agencija za podršku ili usluge

Organizacija, odvojena od Viktorijske policije, koja nudi razne usluge socijalne i druge pomoći, poput savjetovanja, informacija o istražnom i sudskom procesu, medicinske pomoći i smještaja za hitne slučajeve.

### Osoba za podršku

Osoba koja nudi emocionalnu podršku tokom istražnog postupka. To može biti prijatelj, član porodice ili radnik ili volonter iz službe za podršku. Ta osoba ne može biti svjedok krivičnog djela i ne smije se miješati u policijsku istragu.

## DETEKTIV

## PRUŽANJE POV RATNIH INFORMACIJA

Ako smatrate da se prema vama nismo ponašali s poštovanjem ili vam dali prave informacije, možete podnijeti žalbu:

- Kontaktirajući svoju lokalnu policijsku stanicu (za dodatne informacije idite na: [police.vic.gov.au/location](https://police.vic.gov.au/location))
- Slanjem e-maila na: [complaints@police.vic.gov.au](mailto:complaints@police.vic.gov.au)

Ako želite dati pozitivne povratne informacije o primljenoj usluzi, pošaljite e-mail na [compliments@police.vic.gov.au](mailto:compliments@police.vic.gov.au)

### Priznavanje tradicionalnih vlasnika

Viktorijska policija odaje poštovanje tradicionalnim vlasnicima zemlje na kojoj živimo i radimo.

Odajemo poštovanje aboridžinskim starješinama i onima sa Torres Strait tjesnaca koji se i dalje brinu za svoju zemlju, kulturu i narod.

Ovlastila i objavila Viktorijska policija  
Victoria Police Centre  
PO Box 913, Melbourne VIC 3001

Objavila Viktorijska policija, februar 2020.

© The State of Victoria, Victoria Police 2020

Ova publikacija je zaštićena autorskim pravom. Nijedan dio se ne može reproducirati bilo kojim postupkom, osim u skladu s odredbama Zakona o autorskim pravima iz 1968.

